



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola LXXVIII. Gregorii Papae I. Ad Vianenses. De episcopo eis
ordinando.

urn:nbn:de:hbz:466:1-15221

EPISTOLA LXXVII.

GREGORII PAPÆ I.

AD MARTINVM EPISCOPVM IN CORSICA.

Præcipit de Tamitana ecclesia transire in
Aleriensem.*Gregorius Martino episcopo in Corsica.*

Ioan. diac.
lib. 3. vit.
cap. 15.

IVSTA poscentibus aurem nos oportet beneuolam com-
modare, quatenus & petentes remedia sperata repe-
riant, & ecclesia non desit sollicitudo pastoris. Et quoniam
ecclesia Tamitana, in qua dudum fuerat honore sacerdo-
tali tua fraternitas decorata, ita est delictis facientibus ho-
stili feritate occupata atque diruta, ut illuc ulterius spes re-
meandi nulla remanserit: in ecclesia Alerienfi, quæ iam diu
pontificis auxilio destituta est, cardinalem te, secundum
petitionis tuæ modum, hac auctoritate constituimus, si-
ne dubio sacerdotem. Ita ergo studio vigilanti cum Dei
amore secundum Canonum præcepta cuncta dispone vel
ordina, ut & fraternitas tua suis desideriis se gaudeat fuisse
potitam, & ecclesia Dei alterno gaudio repleatur cardi-
nalem te suscepisse pontificem.

EPISTOLA LXXVIII.

GREGORII PAPÆ I.

AD VIANENSES.

De episcopo eis ordinando.

Gregorius clero, ordini, & plebi Vianensis ecclesiæ.

QVOTIENS res aliqua pluribus agenda committitur,
dum quisquis dissentit ab altero, dispendiis potius
quam vtilitatibus aditus refferatur. Quod nos prouiden-
tes, ne hoc vestræ contingere possit ecclesiæ, eius curam
vtilitatesque Honorato presbytero ad præsens commit-
tendas elegimus; quatenus res vtilitatesque ecclesiæ per
eum & procurari valeant, & modis omnibus custodiri.
Ideoque dilectionem vestram scriptis præsentibus adhor-
tamur, quatenus, ut vobis possit ordinari sacerdos, inui-
cem vestræ voluntatis omnino in vnius digna electione
concordet assensus, nec amplius Dei ecclesiam officio

patiamini vacare pontificis. Quousque vero ecclesiæ ipsi sacerdos fuerit ordinandus, omnem supradicto presbytero, sicut diximus, sollicitudinis eius curam commisimus. Ita ergo se vestra dilectio in his omnibus exhibere festinet, ut amorem vobis ecclesiæ habere pronæ deuotionis ostendat.

EPISTOLA LXXIX.

GREGORII PAPÆ I.

AD CLERVM ET NOBILES CORSICÆ.

De Martino episcopo eis de alia ecclesia ordinando.

Gregorius clero & nobilibus Corsicæ a paribus.

ETSI VOS multo iam tempore sine pontifice esse Dei ecclesiam non doletis, nos tamen de eius regimine cogitare & suscepti cura compellit officii, & vestræ quamplurimum caritas dilectionis astringit, scientes quod in eius gubernationibus animarum vestrarum simul consistit utilitas. Nam si gregi pastoris cura defuerit, facile laqueos infidiatoris incurrit. Ea de re quoniam ecclesia Alerienfis sacerdotis diu est auxilio destituta, necessarium duximus Martinum fratrem & coepiscopum nostrum ibidem cardinalem constituere sacerdotem: Leoni vero fratri & coepiscopo nostro operam eius visitationis iniungere. Cui etiam in ea parochiisque ipsius presbyteros atque diaconos concessimus ordinandi licentiam, eumque rebus eius, quousque illic fuerit, ut proprium pontificem uti permisimus. Ideoque scriptis presentibus admonemus uti prefatum visitatorem caritas vestra cum omni deuotione suscipiat, eique obedientiam in iis quæ rationi conueniunt, sicut ecclesiæ decet filios, exhibete; quatenus omnia quæ ad utilitatem suprascriptæ pertinere cognoscuntur ecclesiæ vestra valeat suffultus deuotione implere.